

Memoria xustificativa da addenda ao convenio de colaboración entre Augas de Galicia e o Concello de Ponteareas para acometer e incorporar ao patrimonio público municipal a actuación "Rede de saneamento nos núcleos da Freixa, O Souto e o Eido. Parroquia de Ribadetea. Fase I. Ponteareas (Pontevedra)", cofinanciado polo Fondo Europeo Agrícola de Desenvolvemento Rural (FEADER) no marco do Plan Estratéxico da PAC 2023-2027

1. Antecedentes

O 10.01.2024 Augas de Galicia e o Concello de Ponteareas formalizaron un convenio para acometer e incorporar ao patrimonio público municipal as obras consistentes na "Rede de saneamento nos núcleos da Freixa, O Souto e O Eido. Parroquia de Ribadetea. Fase I. Ponteareas (Pontevedra).

A cláusula sexta do convenio establece que o custo da actuación contemplada no convenio ascende a un millón seiscientos sesenta e nove mil setecentos corenta e seis euros e sesenta e oito céntimos (1.669.746,68 €), distribuídos do seguinte xeito entre as partes asinantes:

	AUGAS DE GALICIA	CONCELLO DE PONTEAREAS	IMPORTE
2024	203.294,27	50.823,56	254.117,83
2025	1.132.503,08	283.125,77	1.415.628,85
TOTAL	1.335.797,35	333.949,33	1.669.746,68

2. Causas que motivan a formalización dunha addenda ao convenio

No momento de tramitación do convenio de colaboración tivéronse en conta para establecer a distribución de anualidades do convenio os prazos previstos habitualmente para a licitación do contrato de obras así como o prazo de execución da obra obxecto do convenio. Retrasos xurdidos durante a tramitación da licitación da obra demoraron o prazo previsto para a adxudicación do contrato e afectaron tamén á data prevista para o inicio da execución das obras.



O convenio formalizado entre Augas de Galicia e o Concello de Ponteareas está cofinanciado polo Fondo Europeo Agrícola de Desenvolvemento Rural (FEADER) no marco do Plan Estratéxico da PAC 2023-2027 en Galicia.

Á vista da previsión de execución das actuacións obxecto do convenio e a situación contable do Fondo Europeo Agrícola de Desenvolvemento Rural no marco do Programa de Desenvolvemento Rural de Galicia e tendo en conta que as actuacións obxecto deste convenio cumpren cos requisitos para ser cofinanciadas pola Unión Europea a través do Fondo Europeo Agrícola de Desenvolvemento Rural (FEADER) no marco do Programa de Desenvolvemento Rural de Galicia 2014-2022, é conveniente modificar o marco de financiamento do convenio.

A cláusula duodécima do convenio, relativa a súa modificación, establece que

Calquera modificación no contido deste convenio, requirirá acordo entre Augas de Galicia e o Concello e tramitarase a través dunha addenda ao convenio. Non obstante, non se considerará modificación deste instrumento convencional a distribución interna entre as anualidades establecidas do crédito en principio determinado para cada unha delas, sempre que non se incremente o seu importe global, previa formalización de acordo entre as partes que recolla a conformidade no novo reparto de anualidades.

Polo exposto, tendo en conta os prazos da licitación e a data de inicio da execución das actuacións é necesario reaxustar as anualidades ao ritmo previsto de execución das actuacións e, en consecuencia, modificar as anualidades con cargo ás que se realizará o gasto, establecer o importe da achega económica do concello de acordo coa nova distribución de anualidades e modificar o prazo de pagamento para o concello.

Así mesmo, con respecto ao financiamento é necesario modificar o convenio subscrito para substituír as referencias ao Plan Estratéxico da PAC 2023-2027 en Galicia polas referencias ao Programa de Desenvolvemento Rural Galicia 2014-2022.

3. Obxectivos que se pretenden

A addenda ao convenio ten por obxecto substituír as referencias ao Plan Estratéxico da PAC 2023-2027 en Galicia polas referencias ao Programa de Desenvolvemento Rural Galicia 2014-2022 no título, no punto sexto do expoñendo, e nas cláusulas cuarta (obrigas das



partes en relación á normativa reguladora do Feader), décimo cuarta (responsabilidade por incumprimento do dereito da Unión Europea) e décimo sexta (publicidade); así como modificar a cláusula sexta (réxime de financiamento e obrigas de carácter económico) e engadir unha nova cláusula sexta bis (compromiso de financiamento do concello) nos seguintes termos:

- Modifícase o título do convenio para substituír a referencia ao Plan Estratéxico da PAC 2023-2027 en Galicia pola referencia ao Programa de Desenvolvemento Rural Galicia 2014-2022.
- Modifícase o punto sexto do expoñendo para indicar que as actuacións obxecto do convenio serán cofinanciadas pola Unión Europea a través do Fondo Europeo Agrícola de Desenvolvemento Rural (FEADER), Europa inviste no rural nun 75% do gasto elixible, no marco do Programa de Desenvolvemento Rural (PDR) Galicia 2014-2022, aprobado por Decisión de Execución da Comisión do C (2015) 8144, do 18 de novembro de 2015 e modificado por última vez mediante Decisión de Execución da Comisión C (2025) 1260 final, do 20 de febreiro de 2025.
- Modifícanse as cláusulas cuarta (obrigas das partes en relación á normativa reguladora do Feader), décimo cuarta (responsabilidade por incumprimento do dereito da Unión Europea) e a cláusula décimo sexta (publicidade) para substituír as referencias ao Plan Estratéxico da PAC 2023-2027 en Galicia polas referencias ao Programa de Desenvolvemento Rural Galicia 2014-2022.
- Reaxustar as anualidades: no convenio formalizado o 10.01.2024 prevíase que o gasto se realizaría con cargo ás anualidades 2024 e 2025. Coa addenda modifícase no senso de que o gasto se realizará con cargo ás anualidades 2025 e 2026, distribuíndo o investimento total das actuacións de acordo coa seguinte previsión:

<i>Exercicio</i>	<i>Importe</i>
<i>2025</i>	<i>1.527.770,48 €</i>
<i>2026</i>	<i>141.976,20 €</i>
<i>Total</i>	<i>1.669.746,68 €</i>

Así mesmo aclárase que os gastos que se xeren en execución deste convenio terán o seguinte financiamento:



a) o concello achegará o 20% do custo total da actuación obxecto deste convenio que ascende a trescentos trinta e tres mil novecentos corenta e nove euros con trinta e tres céntimos (333.949,33 €).

b) o gasto non elixible:

- No exercicio 2025 corresponderase coa suma dos gastos en concepto de imposto sobre o valor engadido (IVE), de taxa de dirección e inspección de obra e de taxa de dirección dos contratos de servizo en materia de augas e infraestruturas dos contratos.
- No exercicio 2026 será todo non elixible e coincidirá co total do gasto desa anualidade por rematar o 31/12/2025 o programa operativo FEADER–PDR.

O total do gasto non elixible financiarase da seguinte forma:

Transferencia finalista do concello	333.949,33 €
FCA, canon de auga	115.618,14 €
Total do gasto non elixible	449.567,47 €

c) o gasto elixible financiarase pola Unión Europea, pola Xunta de Galicia e polo Ministerio de Agricultura, Pesca e Alimentación, mediante unha transferencia de capital da consellería á que estea adscrita Augas de Galicia, do seguinte xeito:

- Pola Unión Europea a través do Fondo Europeo Agrícola de Desenvolvemento Rural (FEADER), Europa inviste no rural nun 75%, no marco do Programa de Desenvolvemento Rural (PDR) Galicia 2014-2020 . As actuacións enmarcaranse dentro do Programa de Desenvolvemento Rural na Medida 07 "servizos básicos e renovación de poboacións en zonas rurais", Submedida 7.2 "apoio ós investimentos na creación, mellora ou ampliación de todo tipo de pequenas infraestruturas, incluídos os investimentos en enerxías renovables e aforro de enerxía".
- Pola Xunta de Galicia nun 17,50 %.
- Polo Ministerio de Agricultura, Pesca e Alimentación nun 7,50%.

	MOD 1020	MOD 3020	FEADER 4260	TOTAL ELIXIBLE
2025	213.531,36 €	91.513,44 €	915.134,41 €	1.220.179,21 €
2026	0,00 €	0,00 €	0,00 €	0,00 €
TOTAL	213.531,36 €	91.513,44 €	915.134,41 €	1.220.179,21 €



- Compromiso de financiamento do concello: o concello realizará as súas achegas de acordo co seguinte calendario de pago:

	<i>Importe</i>
2025	50.823,56 €
2026	283.125,77 €
TOTAL	333.949,33 €

O concello realizará o pagamento das anualidades previstas no último trimestre de cada exercicio.

Así mesmo, a inclusión da cláusula sexta bis fan necesario modificar o apartado 3 da cláusula terceira (obrigas xerais do concello) para actualizar a referencia a nova cláusula sexta bis engadida ao convenio.

Sínálase para os efectos do disposto no artigo 47.2 da Lei 4/2024, do 27 de decembro, de orzamentos xerais da Comunidade Autónoma para o ano 2025, que esta modificación non supón unha alteración do obxecto do convenio, nin comporta un incremento do importe total das obrigas de contido económico asumidas por Augas de Galicia ou do número de exercicios orzamentarios aos que se imputan as ditas obrigas.

Consonte ao disposto no artigo 48.3 da Lei 40/2015, do 1 de outubro, de réxime xurídico do sector público o convenio contribúe a mellorar a eficiencia da xestión pública, a facilitar a utilización conxunta de medios e servizos públicos e á realización de actividades de utilidade pública.

En Santiago de Compostela, na data da sinatura electrónica

O director de Augas de Galicia

Roi Fernández Añón

